



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一九八

大山詩集七卷 劉巖撰

匪莪堂文集五卷 劉巖撰

緯蕭草堂詩三卷 宋至撰

俞子第一書十三卷 俞楷撰

石里澤家集二卷 張尚瑗撰

思綺堂文集十卷 章藻功撰

芳洲詩鈔一卷 沈用濟撰

一

六三

一〇七

一六三

三一

三四五

八四三

浦雅第二種

大山詩集

思園藏本

浦

雅

大山詩集

思園藏書二之二

浦雅

大山詩序一

劉殿號大山江浦人康熙癸未進士官翰林院編修以南山集案被逮隸漢軍

大山先生既歿其家刻遺詩五百餘首分爲二卷暨我生之初相隔五六十年而流風餘韻已無復存焉者矣嘉慶辛酉余訪見其裔孫有名明倫者其家但有鈔本余悉手錄之及覓得刻本下卷乃知其家鈔本卷末已失去數首因爲補入亦不知上卷更有遺佚否也先是余得先生詩數首於外家成氏又得一詩於近人詩話又得四馬山詩於縣志皆刻本所無最後得詩二百五十餘首於浦西陳氏強半與刻本復而其複者又往往字句不同余更取不同者參注於其旁用資讀者印證蓋晚年定本迥非初落筆時所可擬今年余得先生二詩於還本又得石樵集於六合賀氏其詩生氣奮動直入杜韓之室與其家刻用以娛老者蓋又有別矣富先生少壯時名滿天下然不得志於有司及遇難後意境彌復平淡余前後得詩七百四十三首又益以徐生樹本所藏七十四首恨未能付刊廣其流傳且什襲秘藏之以俟夫嗜古而有力者道光元年十二月十七日同里吳樹序

浦

雅

大山詩序一

思園藏書二之二

浦雅

思園叢書第二種

大山詩序二

大山先生以太學生爭三年喪大禮至於抗辯午門聲色俱厲可以爲壯矣所著太學生伏闕上書論天下偉之有明定山檢討莊渠亦因不奉詔作鼇山燈詩上疏切諫士氣大伸何吾浦之多健者耶檢討文章氣節與陳白沙齊名先生詩古文辭又爲方望溪所折服卒以南山文字之獄與望溪牽連被逮編入旗伍或曰太學生伏闕上書論實召之也先生詩甚富康熙朝惠安林象湖曾選刻五百餘首係何義門評點本先生後嗣某又重刻之據昔賢著錄多謂大山詩集凡九百餘首別集稱是至乾隆間猶盛行於世後乃湮佚不傳僅有同里處士吳樹手鈔本吳氏子孫又不知保守之也劉刻意蒐討垂二十年至竟無所得洎聞夏錫實業師已覓得處士秘本而吾師遽死師之次子仲午茂才且攜家海上亟往蹤跡之則處士手蹟宛然丹墨如新計八百七十七首

浦

雅

大山詩序二

二

思園叢書二之一

附錄大山文一首

太學生伏闕上書論

大山劉先生初名枝桂以康熙丙寅拔貢入太學大司成等率諸生上書短喪首列先生名欲因以爲德謂博學鴻詞可得也先生事前不之知抗顏力爭終不得一當乃著論嚴斥之海內傳誦盛拂堂寧意後竟以是獲譴

浦

雅

大山詩序二

三

思園叢書二之一

康熙二十六年冬上有太皇太后之服欲行三年喪禮詔下公卿百執事議之大司成等率太學之士五百有四人伏闕上書言三年喪必不可行請從易月之令竊以爲太學生伏闕上書非古也記曰國有學遂有序黨有庠家有塾漢太常博士曰教化之行建首善自京師始蓋自三代之盛禮樂宣明而其時之爲士者釋奠釋菜游居講習於學之中將以著其材爲公卿大夫之用而至於朝廷之政事則各有司存士或越其職而冒言之則必蒙出位而謀之罪迄乎漢宋之世太學生率其羣而以書上者乃數數見史官必謹書之如劉陶之訟李膺朱穆也數千人上書陳東之請誅蔡京等而用李綱也率諸生及都民數萬人上書徐揆之請帝還宮也上書汪安仁之請朝重華宮也二百一十八人上書楊宏中等六人上書黃愷伯等上書蔡德潤等百七十有三人上書陳宜中等六人上書陳著率諸生上書及有明之季太學生亦凡三上書夫自三公九卿以至一命之吏而獨至於太學生其人無官守也無言責也又至卑且微者也史官必謹書之者蓋由其時之公論必大有所不仲或大臣不能言小臣不敢言或大臣言小臣言而堅不聽然後章甫縫掖之士服先王之法服執先王之法言帥其徒數千人之衆以伏於闕下而力爭之其勢蓋出於人心之所不得已而其事亦非盛世所宜聞然猶可因此以見先王養士之道而禮義教化之風猶不至於漸滅殆盡也是以太學之言出聽不聽必謹書之凡以其所言者先王之法也今三年喪天地之常經古今之通誼自天子達於庶人無貴賤一者也自漢文帝遺詔吏民三日皆釋服而儒者有小仁害大義之譏晉武既除服復疏素終三年司馬溫公以爲不世出之君而目裴秀傳元爲庸陋其後魏孝文宋孝宗皆致喪三年可謂卓越千古者矣且宋世喪服之制外廷雖已易月宮中實服三年而以日易月之論實自應劭發之世俗沿之而不能變其悖於先王之法也明矣今皇上天縱至孝卓然有千古

浦

雅

大山詩序一

四

思園叢書二之一

之志詔欲行三年之喪而司成司業通率太學之士謂三年喪必不可行吁太學
何地司成何職司業何官太學生何人伏闕上書何事而憤憤行之此真可爲之
流涕而太息也夫先王之法之出於人心天理之公者雖興廢有時然處存其義
於天地之間未嘗非告朔餼羊繁縷名器之意而過三年喪必不可行之論竟發
之於太學之中則是一舉而廢彝倫也一舉而廢彝倫則是一舉而廢太學也太
學廢而天下之學校宜無不廢矣夫爲天下人材之師表者而於國家根本之所
系如弁髦乎哉且夫上書者將以匡時之缺也假使主上有復古之志而公卿大
臣持漢唐之陋說太學生仰承詔旨引古誼以折之而爲此舉也此所謂匡其闕
者也今行三年喪美也非闕也過尼止其美而反以爲闕而匡之此不責難於君
而謂吾君爲不能孟子之所謂賊也且凡否大義必協衆心即使義屬富陳亦必
召諸生集議今乃爲首者不自知其名爲從者不預知其事大司成誘之以小利
脅之以必從夫強諸生之不欲而脅之以師而欺其弟子且不可不顧諸生之不
從而士之以臣而欺其君可乎哉歐陽公與高司諫書謂其不復知人間羞恥事
今大司成固不自恤也乃率五百有四人而謂無一人有羞恥之心嗚呼何其甚
也故吾舉先王所以立學與不得已而上書之義所以存太學也此余之不得已
也

昔在吳北山處一見藏名世南山集原刻本其集中散文大抵冲淡蕭遠不知
何以遽罹法罔相傳大山先生書爲製一序惜未及細檢簡端以證其信然否

浦雅

大山詩集

第一卷

著者江浦劉巖

五言古詩

春暮郊行

灌木鬱蒼然徂春將及夏宿雨成沮洳澗水澌澌瀉隔色秀來半城煙起桑柘新歲詔

捐租村莊晝閒暇垂楊絮亂飛山藤花未謝及此天氣佳徙倚東臬下歸讀未相經竹

宿坐深夜

過成納齋所居

揭揭葭莢長莽莽蓬蒿茂陶陶首夏晨淡淡風吹袖細路幾魚梁寒湫隱龍寶棲鴉柳

浦

雅

大山詩集

思園叢書二之一

正濃藏雉麥初秀烏鵲幾兩輕叩杖一枝瘦惟爾人蕭疎永招味深厚嗟我懷幽憂病
與愁並湊鬱抱舒嘲諸高言寓勸懲梅雨方霽霽寒暑相就

舊碑

鬱鬱北邙山誰家營隴地買得舊冢碑重鑿登蟲蠹舊冢初葬時奉詔護喪事柩載輜

輶車賜以東園器總麻百夫哀穿土發軍騎表石高我我瓊玖抵堅細以此歷千年永

永又何敵豈期陵谷遷草豆無人祭路旁負薪人云是親苗裔窮之將奈何鬼碑臥荒

翳勳業與官階文章何瑰麗子孫不識書未解云何義但苦太難鑿辛勤費磨礪幸木

已斬除祠堂又折棄所餘石幾何尙足資爲利寄語新墳家少刻深深字

四馬山 山在烏江之西上有西楚霸王廟

此從縣志錄出 川南

雞鳴楚歌發夜起飲帳中烏騅蹄已蹶虞兮今日終當時救鉅鹿叱咤生雷風沉船破

釜飯三載摧秦鋒坑屠二十萬燬滅咸陽宮宰割天下何慚扛鼎雄一自垓下潰陰
陵迷去離亭長艤船待賽與田父同百戰已百勝一敗豈遽窮羞愧八千人不肯回江
東能伸不能屈即此輪沛公一體五分裂烏江江水紅江邊四馬山山石高崇崇無人
祀隆準有廟哀重瞳

先生之文於鄉闈文獻邑里山川頗不寂寞而詩篇絕妙及之稱官流離稿本散
佚夏氏埠乘所稱道之拙修齋詩燕臺唱和詩等集傳者蓋寡且當時集名必有
餘於埠乘之外者喬木風煙久而瀟灑可哀也夫

龍丘引

此從劉氏藏本補入川南

大山詩集

思園叢書二之二

在天一面客子多苦心故鄉看不見

伐木詞

以下一首從浦西陳氏抄出川南

莫伐直木幹願采惡木枝木惡受及刈如肉除癰疽梗楠方拱把蒙巽南山陵奈何同
衆木等將斯之析彼干霄質煮此脫粟糜心知作灰燼垂首束薪時

梁烈女詩

補口太平橋人許尚氏子

蕭蕭墓門秋草根凝碧血貞女誓殉夫舍生義何烈髮髮爲我儀許字櫻已結璽命殞
朝霜心慘氣默塞生不與同年死願與同穴輕輕燕尾刀刀柄如環映前日剪綾羅將
期奉巾櫛而今赴九原仗汝鋒一映其志皎於冰心復苦於藥十指何纖纖堅剛化成
鐵亦有女如茶紛紛變其節改作嫁衣裳持剪魂驚絕

金陵懷古雜詩

鍾山石嵯峨荆榛蔽蒙翳寂冥冢中人東吳大皇帝孫家伯江東發跡殆天意父子與
弟兄少年方起事破虜祿不終討逆又早世獨有孝廉郎遐齡綿統系生子如仲謀英
雄豈容易輾轉黃金車登壇舉燎祭分界兩函關敵血立約誓歎息諸葛公精誠動天
地醜奴徒么麼承不盜神器戮力同一心聲罪窮狂釋吾言讀載書凜凜英氣惜乎
變臨沮擒羽失大計傾意助曹肅甘心絕劉備當日夏口軍烈火燒赤壁始合忽復離
遂自戕指臂請降結婚姻稱藩供贊幣雖有勾踐奇終慚魯連義幸得司州盟乃定三
分勢黃龍既沉淪赤烏亦應逝惟餘紫雲像俎豆清涼寺蕭瑟吹秋風鐘聲出煙際

山吳大常說

建業大長干西有文侯宅張君寒寒心君過當面黃龍酒既不堪案刀亦何厄苟非顧
命言涕泣情悽迫豈不如虞翻青蠅爲弔客誰謂能任賢終然權愧策不見士封門於
今猶未拆大長干西張君宅

浦雅

大山詩集

思園叢書二之二

茅山通五岳西爲洞庭門山陰至臨安漢末多仙真幾之尋遠游終日情相親嗟乎世
網密人世多艱辛欲免雉離離除非鶴在雲棲身鍊氣息采藥養谷神誓墓力辭寵
山堅絕人吾慕許道士還思王右軍

初客許道士

惻惻復力力馬受高山逼吁嗟大馬爐小馬飢無食嚴嚴下望之死節在青溪我來顧
蘋藻一拜待中祠元規殊草草枉自談黃老趣禍恣狼心南奔向溫嶠乃知鄙客人無
虧名教身子能爲孝子父克作忠臣父子堂堂死輕浮安足倚所以惡澄鯁傾覆由於

此殺賊功未成先診面如生兩拳如握槊猶欲掃機槍

治城下忠貞墓

王君作丞相江左稱夷吾草創禮賢俊雅意崇師儒置吏議爵證樹嶺論還都雖當多
故日亦自崇遠圖新亭戮力言慷慨氣雄傑如何白石奔竟歸神州滅女伎牀設施妍
妙館羅列安居不枕戈臨難難喋喋血輪躬盡瘁人情嗜都已絕長柄短轡車胡不救宮

闕徒使蔡克兒從旁啞啞啞王丞相墓

稚川棲道真辭榮甘素秉肘懸內外篇勾漏訪丹井江左迷昏氣中原阻荒梗夫妻將
子姪舉室共幽屏豈爲學冲升狂踏羅浮頂避地跡高超全生智精警遺傳在秣陵欲
待陶弘景跋屐曳尾龜心事各目領狡獪作神仙鴻飛冥冥其 稚川

景純經術才無聊託於伎酒色齊無災濁跡有深意當時慕冥鴻江表求避地桑梓先
龍荒王綱復淪替仕隱兩茫茫則身在卜筮阿墨逞鋒對剛忍欲吞噬探策惟凶徵占
壽無久勢底幾折逆萌恐懼休舉事以卦誅賊心與暗亦何異今日已中南園何可
避暫捐忠赤輒豈之全生智寄言溫太真努力莫神器 郭景純

華陽陶隱君生有神仙狀黑子七星高白毫三寸長服掛元武門人歸大茅峰甘從水
草棲絕去繩與杖所恨當齊梁跡未能高尙朱砂氣熊熊曾青光淡淡茯苓月幾斤何
異受祿養所以在山中人來呼宰相縹緲三層樓豈若羅浮曠卓哉葛稚川勾漏得無

志陶真白

浦 雅 大山詩集

四 思園叢書二之一

不數溫忠武別誇第一流可憐傾典午的在虛浮狂狡屯戎車臨瀛壖宗社宮掖飛
炎煙石城遷帝駕武昌人七千一木支巨厦憤沈鉅鹿船氣振武安瓦投卵豈足憂
虎安可下義旗回指公淚與聲俱瀉當時魯煊赫王公與庚公敵非鄧元規取節嘔茂
弘惟有太真書陶公藏篋中欽板左折翼感激忠武志平南何慷慨征西亦沈雄所以
共戮力成立勳王功 溫忠武墓

太平空有夢狗子 侯景 成於菟狐叫氣何嚇豺嘶聲正轟青袍既如草白馬真如茶怪
雲壓赤縣妖雪橫黃圖城上蠟雉飛紙鳶風中呼嚮樓樓榭肝腦汙泥塗欄檻坐殿
上鶴鵠來殿隅君臣已棄甲兄弟還轉弧大事今去矣中與其忽諸稱款元年始持經

正月初與鴛鴦困獸爲藪藏四通一客尙難香千人焉可除未開弘景書書記誌公符
只嗟逢乙卯悔恨受降書 歐陽修 書

類羣賦郊居自儻身多病誅茅結敝廬人外依幽靚西邸昔交歡南陵新佐命懷中出

詔書選置須臾定才智何縱橫彥龍安可並舟緊屢推遲竹帛空輝映得繼孔履移臂
瘦几難凭今日老尙書當年作家令只恐舊宮人依稀說難認太息欲何言東田自歌
詠 東田沈隱侯宅

結綺化煙埃臨春埋棘刺何處問江家猶說溪邊地當時宴後庭瓊樹何瑰麗狎客詩
新鮮神仙袂容裔咄咄黃斑來驚呼奈何帝溪上柳花飛溪中流水逝青溪無古今朝
市多變異昔年僕射居今爲段侯第題泊葬江都又下雷塘涕 青溪江總詩宅

中第蘭早摧幽翠桂無恙何況道家言最忌三世將素雅有舊宅當年曾讀書長歌拔
劍起慷慨懷英圖才大識何小委身向成都黑幃夢縈繞白始神安舒哀哉腐豎子畢
竟傾絡奴可憐千里軍勝似華亭鶴步兵却歸吳平原空入洛綿邈思故居東城今寂

寞 素雅陸平原宅

李太白題金陵水亭注云陸機舊宅 原註

浦 雅 大山詩集

五 思園叢書二之一

潺湲聲雨聲悽悽絕江南路金陵跨大行口舌竟何濟舊君承命調轉運牽機賜何如落
豆人舍人先墜地當時錦洞天宮苑最奇麗羅幕化飛煙磨滅成野齋祗有侍郎居尙
傍棲霞寺 徐侯 詩宅

磊落桓野王妙解音樂趣放曠主客間慷慨君臣際玩世似不恭諷諫有奇氣吹笛與
彈箏俱見千古意人本第一流聲音乃其次 遠道步

桃葉歌 晉王廣伐陳置營桃葉山下
桃葉復桃根憔悴新林浦艇子過江來迎接韓擒虎試問渡頭人何如井中苦胭脂色
未銷尙學桃花吐寄語蔡容華楊花亂無主

皇象墓
漢末皇象書獨立冠江表筆畫如晨星落人問少天發神識碑製立自孫皓三段石
嵯峨沉淪臥高寥吁嗟彭祖時建業何紛擾政令亂如麻人命輕於草湖開出石函函

中宵石小上鑪皇帝宇改年協天道華嚴造爲文象也力揮掃雲龍勢襲天馬意矯矯
矯矯龍龜蛇跋跼來蟲鳥當日秦東巡繞刻窮窮查泰山鄒嶺嶺小篆費探討谷變
山崔嵬陵遷波浩渺斯書遂淹重跡空勳嗟此巖山銘刻落會未了字百八十餘
拓揭尙可考慮皓與畢其國俱爲沼功德何巍巍褒頌自謳矯君惟詔是娛臣以談
見巧君臣化飛灰殘石成巨寶賽碣竟銷亡吳碑幸而保置之周鼓旁巍然作遺老

碑列金陵孔廟尊經閣下嘉慶十年燬於火

大江

險絕南北分長江乃天塹胡爲九州都忽焉竟淪陷夏口武昌東衝刀渡阿童木柿擁
波下麻油燒鐵紅青蓋渺何適黃龍歷已終江水無今古興亡安足數破虜負雄剛討
逆奮英武一旅據秣陵耽耽視如虎疑城起石頭濤浪驚魏主惟彼有人焉還兵廣陵
浦孫家終可憐生子如彭祖楊子渡頭船今掛漁郎罟只有會稽公哀哀痛東土

浦

雅

大山詩集

六

思園叢書二之二

將樂錢令殉節詩

名初嘉

山縣一彈丸焚餘費摩撫郊外嘯妖狐憑陵據深阻衆似赤眉徒勢與青犢伍雄傑類
怪雲摧列在一鼓室柱無鍊銅官牆非庸楚何以捍牧圉旋倪曉驚沮桓桓者錢公兜
鞬立樓櫓衝梯舞城頭矢石飛如雨九攻九卻之計覺智良苦外無抱憂援誰與沃焦
釜陣壞勢莫支巷戰力愈努脰斷首分離剛強不可侮古人遇大患身及名不腐禮葬
童汪跼死諱縣實父凡以執干戈敵愾仗勇武何況號神君握印幸茲土疆爲民社亡
卹典曾莫親馬革裹屍歸桐鄉列姓俎春蘭秋菊馨無絕傳今古

吳伯宗詩

人生有同胞如果共根蒂遺體受之親人孰如兄弟形質雖分殊異息實同氣兄弟苟
飄零如手脚墜地豈可一人身四肢忍捐棄哀哀吳伯宗家世本樹藝父母早終天兩
弟親撫字倏忽吹狂飈驚雁失行次豪賊巧劫持貨視重區奇踪跡杳難求急難亦奚

濟伯也憤呼天噴血以自誓不得仲叔歸胡顏立於世辭決子與妻凍餒爲足計西之
晉與秦東之淮與泗南之吳與荆北之燕與薊得叔於京師仲也將安逝當初斷兩足
兼苦缺兩臂如今一足全一足尙獨餘亦且一臂完一臂還陵替中原渺茫茫吾將之
四裔窮荒萬里遙黃沙歸靈蔽猩猩笑且啼虎豹牙齒利仲果在穹廬椎髻作奴隸相
見痛摧心渠帥感其義挈仲回故鄉喜極翻悲涕太息農家流友愛何篤輩兄弟良所
難而況失其一二得已難何況雙獲致此事今固無在古亦奇異伊誰無父母誰獨
無昆季顧念卿子哀依依誦棠棣

悲哉行送徐泰初歸白下

泰初名時盛來安縣人與先生在燕臺唱和最多見夏氏埤乘此三詩亦似從燕

臺唱和集錄出

浦

雅

大山詩集

七

思園叢書二之二

霜寒親隨衰草盡臨水復登山他鄉故人別

秋氣亦悲哉涼風索索來保此蘭蕙委勿隨蕭艾衰江冷霜飛早蟬肥菰米老烏柏宿
烏鴉門前啼到曉喚子且歸家歸家食亦好

別怨再送徐泰初

執手魂歸然正是悲秋日何處送將歸瑟瑟青楓靜碧波寒此此白石清鄉鄉不知經
此地離別曾幾人孤蓬卷無根浮雲飄不已岐路立斯須轉瞬便千里來日何其少別
日何其多一歲一回別其如將老何

擬古四首

以下石樵集皆先生初入京及游濟南時所作

川南

龍藏萬丈淋形屈如尺鱗甲未飛騰精氣先寂寞變化豈無時雲雷非妄作倏忽升
青天八極恣噴薄神物本無心屈伸隨所託奇言獻鱗徒無用相驚愕

海水何處蕩山谷何茫茫日月忽忽去壯士心悲傷石家有斗珠揚子無擔糧榮華及
惟悴骨朽灰飛揚胡爲八尺軀但爲飢寒忙驛驛戀舊林首結青絲纒魴鯉愛芳餌膏
脂沾毫燭人生壽幾何而以憂戚亡神龍戲天外俗士空傍徨

切切重切切羊腸千萬折欲倚寸心堅輪轅中道絕舉頭白日光執手肝腸熱風淒淒
扇損夜露蘭膏滅對面不相知何必睚眦裂子誓青松枝我待寒冬雪

鸞樓井上梧雁宿落中蘆寂寂愁思婦空閨歲月但采采芙蓉花顏色嬌且殊妾在瀟
湘浦君在洞庭湖投花向流水欲寄與狂夫花隨波浪逝顛倒失根株縱得到君處花
殘蒂已枯傷心不自惜淚下沾羅襦

送人南歸

朔風吹寒冰冰腹堅可蹈燕火東飆裝夜半桑乾道長安獨旅人筋力苦消耗徒以飢
餓顏遺人裘馬傲余客已三年囊空淨如塙欲歸歸得歸貧賤甘所好送子荒山陵冷

浦

雅

甲 大山詩集

八

思園叢書二之一

髮卷烏帽颯颯木葉颯慘慘鴉噪提攜酒一壺不爲風霜勞浚子雙車輪祝子家早
到歲暮衣線恩獨人空自悼

送王松渠歸金壇

種玉莫種白種蘭莫種香物情妒美好濁世多謗傷自子來京師余適同翔翹共客尚
書宅禮義恆自將子心余所知羣口胡相戕請尋子罪端受侮固所當子才實桀驁
小心膽強嫉惡性所秉氣烈腸亦剛黑白自了了牙頰噴風霜論今雜嘲謔懷古生悲
涼一涕復一笑俗物空茫茫有時試有司傲兀據一牀冥搜洞萬類輒心遊八荒得意
忽大叫袒臂神揚揚瞪目視曹伍訛詆無半長寸管肆凌轢羣兒走且偃江黃遇大楚
誰復揜鋒芒況復朱門中簪履紛趨踰嫵嫵者誰子僂僂以膝行尻高而首下嘖嘖形
倉皇舉頭見子面汗出如流漿子以飲醉骨陡來名利場一身萬念集蜂蟻交披猖謂
子罪可追改轍猶未妨估終子不變誰忍狂生狂青冥卒踏蹬長揖祭酒堂揮手自茲

去雨雪落衣袂玉質本自潔蘭味本自芳子今去山谷物性固有常
宣城約遊西山

我本山中人蕭然愛樵牧江南江北山縱橫園破屋蒼茫路市朝自悔歸不速白日黃
沙昏驚風亂目尋見西山顛斗起青簇簇奔陷無停峰盤空高浪蹴一望心頗開夢
魂勞往復予攜雙屐過邀我山中宿平生瀟灑心誰遣離幽谷舉足愧青山嗟余多碌
碌

再簡宣城

筋力百事慵登山喜獨壯昨約西山行未到氣已王吾欲曉即往狂呼山頂上君復遮
我留噴子殊孟浪入山忌躁心佳處在溪右君先閉室中客來辭以恙一日振衣袂二
日淪胥臙遲以三日期精神足醺醺馳僕報山靈真來不汝誑

出郭

浦

雅

甲 大山詩集

九

思園叢書二之一

日以窮巷中偏仄如甕盎春風吹寒驪佳意陡超曠羣山烟霧消空青倒天上舉首望
其巔參差非一狀磔卓列大阜嵯峨氣雄壯小峰各迴環奔騰恣矯盪有如龍與龜相
排觸巨浪低昂千萬峰峰峰皆跌宕目眩路倏迷蒼茫無所向直望中峰趨孤鐘下危
嶂

香山寺

兩嶺如夾環其中凹如臼山腰立峭壁千仞插箕斗上有樓殿懸穿雲鑿戶闢橫杓無
根株鐵鎖掛疑朽風吹愁動搖不敢輒仰首登頓捫枯藤蒼煙亂雨肘欲崎嶇路盡始
至寺門口老松盤龍蛇筋骨石上走憑崖縛屋椽松石互纏紐方知結構牢般倭巧擊
剖入門蹈平地忽忘嶺巖陡古佛莓苔青壤垣傾軋踟躕草莽斷碑創始知誰某衰叔
龍貂瑤席狂雷吼不知天地傾且自營身後壙域起生前役夫死鞭扭因之倏夷鬼
瀆祀祈黃耆內府金錢空脂膏潤林藪蕭條守尙存江山今在否疊數數荒邱行人空

戟手我來心悽愴一望踟躕久日落寒鴉啼山下樵吏

弘光寺

萬松垂蒼皮色積巨鐵羣作拱揖狀擁塞路机陴其中開一徑肩背費轉折屈曲蝸
角行觸處患傾跌翠濕衣裳青冷逼烏鵲絕凸凹無寸土據地根糾結仰窺破碎天白
光乍明滅鬱鬱十八盤險怪誰所設孤寺在山頂攀援如跛鼈十步九憩息到門已覺
覺且暖僧房茶事軀潤喉舌

碧雲寺

巨嶺青巖既空翠落深樹松枯如山鬼樑枅森可怖危橋撐裂崖側足屢回顧寺在水
聲中灑面噴瀑布飛跨轉木末忽得寺門路巖腹鑿成龕寬深八九步乳泉繞僧厨不
用竹竿度尋源得古湫玉磔繁無數龜魚不敢宿懼觸老蛟怒寒碧濕山根癯瘦石骨
露終古陰濛濛白日鬱晴霧其流溢平地欲遏不可住遂使滿寺階清甘瀉如注久留

浦

雅

大山詩集

十

思園叢書二之一

毛髮冷暝色蒼蒼赴他日當復來載以十大瓠

臥佛寺

晨趨大谷口醫醫但萬葉類廊八九間石礎埋黃埃墮下芝羅樹不知何年栽老根蟠
殿角枝幹纏風雷破瓦臥巨佛古骨掛莓苔野鼠啣髭鬚烏鵲翔徘徊覽君與鬼伯千
百如嬰孩濁世妄創造豪華良可哀誰鑄銅山銅作此形磊鬼傳是金章宗壘山跨樓
臺祈禱費億萬翠華朝暮來疲佛睡未醒亡金安在哉智者付一嘆愚者猶驚猜太息
出寺去脚轉荒山隈

廣泉寺

深澗一徑通芒鞋響石子疑從地底行忽到巉巖裏浩氣騰衣袂蹊蹊不可止亂藤噴
噴懸怪穴蹲虎兕山空心骨寒冷髮欲上指人登絕壁面後頂接前趾峯巔破寺出僧
老口無齒荒塗少足跡見客蹇然喜誦誦作吳音欸欸話鄉里高風吹冥冥殘日光靡

靡歸路愁幅欲枯坐竟忘起

華不注 正字通不讀如缺蓋因華附而比攝之

萬嶺屯長蛇首尾互相倚獨華不注峰拔地自孤起山嶺千仞青倒落射山趾巨靈握
老拳突兀伸一指壁立撐虛空石骨透表裏削盡沙土痕癯瘦自太始人緣峭磴登如
樹行螻蛄直乘羊角風斗上九萬里舉手摩蒼天團團去盈尺古來登眺人謫仙今往
矣但見綠芙蓉不見赤松子呼誰與之遊煙嵐生脚底

寓齋

空齋浮白光纖纖月初上春服暮微寒橫琴寄疎放客踏樹影來孤煙在笻杖亂書堆
半牀濁酒盈一盞門外即縹緲吾心幸無恙客去未成眠深燈坐惆悵

贈王敬行兄弟

煩憂蹙我腸一日九迴曲看君兄弟懷纏綿一何篤館我高軒中春風草微綠飲啖展

浦

雅

大山詩集

十一

思園叢書二之一

笑謔放意恣所欲平生多苦心歡娛翻自踟躕筋力緩且弛文史拋成束老驥戀青舞拘
孿千里足相顧語酸辛宴安真鴆毒

對菊

我愛霜菊佳遂覺衆葩鄙秋常羅千株香黠駭鄰里今來客官署閉目坐甕底禁防管
輪嚴動畏成癡痕遙憶東籬花蕭條亂煙裏踟躕歲晚期脚如磨旋螭忽得辟寒金幽
光射窗几古瓦束作盆碎石附其趾椎擊開新泉澆灌輒蛋起風骨淡且癯亭亭似君
子不敢以手觸欲嗅先嗽齒仰首欣濛天空碧無塵萍孤芳一兩叢聊雪羈縻恥久立
黃花前苦痕侵破履

酬水村

人笑狂生狂我嘆鄙夫鄙鵲鴝鶯一枝點驢志千里嗟君磊落人書囊苦無底筆墨老
英雄脾肉生瘡痕長安點桀徒躍馬黃塵裏舌壓樓君卿趨攢闔如螳君獨坐室中兩

手寄破几場來東海遊氣撼泰山趾巔半寸間萬丈嶙峋起人畏爪嘴強嘲爲黃鶴
子哀哉羣兒愚覬覦安足齒牀頭兩株菊清絕無泥滓呼我與我言不飲花所恥墨塊
澆百壺顛倒亂巾履

晚菊

晚菊經霜摧風骨老猶壯豈不感盛衰養作搖落狀根冷花亦寒香色本淡石既不向
春榮蕭條分所當傲兀竹籬間惜未除飢靜遂使殘蝶來相看爲憫悵

庭樹

庭樹號驚風夜半聲忽起疑是暴雨來颯颯打窗紙起看葉落多但見枝披靡時當春
夏交綠陰光葉葉鳴蟬翳高柯鳥雀爭棲止誰知歲宴期彫謝難依倚老幹撐空腔獨
悴寒霜裏

記夢

浦

雅

大山詩集

十二

思園叢書二之二

甲

淵明千載人嗜酒無敵對非夢亦非覺忽來我室內踞牀索瓶墨似作盤礴概繼進數
大壺捐杯以飄代胸如湯沃雪稍有微醉態自言平生時快飲願未逮忽復持大斗勸
我撫我背我謝非伯倫不敢妄匹配先生復強之倒却以身退倏然驚而寤寤則痛自
悔翻身續殘夢聒耳寒犬吠展轉不成眠達旦自詡醉君飲求稱心死猶氣百倍使我
嘗深味而我殊債債得醉莫苟辭君言真章佩

送萊陽趙太常出塞

公平去何之還水千萬里寒日瘦沉冥慘烈悲風起復與倉皇奔貫索纒首趾防吏與
郵夫驅迫不容止邊城十丈冰六月已如此況今冬令驅殺氣亂網紀振鱗騰修蛇揚
鬚啼封豕熊羆虎豹羈今日雪牙齒窮多不肯覺跳踉沙磧裏戰塲白鬪體晶晶不可
紀黃霧天無光黑河地無底舊鬼哭嘯嘯新鬼淚瀟瀟出入萬鬼羣忽自疑身死俄復
呼一聲狂顧妻與子居者曲如釣行者直如矢竄投有北鄉于公罪已矣餘毒著將施

憂禍恐未已壯士心徘徊斷裂巖上指寒飯一餐公絕棄從此始
吳道士挽詞

狂飈吹斷蓬嚴霜殺秋草人命如遊絲飄飄不自保哀哉君一身五十未爲老鬼伯速
相驅不聽巫咸禱當君始出門襟被嗟涼倒前日來家書勸君歸去好君望君歸離
酒藏梨棗君子望君歸檢書備香考嬉笑乳下孫君嘗愛如寶日夕盼君歸欲就君懷
抱誰知三寸桐爪髮已枯槁楓林青冥霧雨白浩浩何處是家山孤魂迷遠道痛絕
袁山松晉人悲歌向穹昊

消寒十二咏

冷楓

一樹荒江邊蕭條似人立葉赤天雨飛淚痕成血汁百艸秋已爛細蟲冬漸驚誰許紅
如花寒風吹汝急

浦

雅

大山詩集

十三

思園叢書二之二

甲

凍蝶

殘蝶似蠶葉苦著將槁枝露冷霜復墜力弱難自持秋蕊盡萎絕瑟縮將何之靡滅不
足道但恨生非時

枯荻

草花白如頭蒙茸嗟老醜況當栗烈時殺氣欺衰朽雨打狂飈摧弱植亦何有空爲曲
薄資辛苦蠶娘手

殘蜂

蜂以花爲糧花盡蜂腰瘦頓如游石兒流落脂粉後羅幕有佳人衣香薰惹許汝暫
飛來天寒依翠袖

落葉

病葉策策鳴風埽亂如簪但得依枯根不惜蕭蕭墜一落那得知飄飄離自遂悽惻念

舊柯空亭獨憊悴

斷雁

旅雁排青冥蒼翎齊若齒絕塞飛驚沙風射疑亂矢恍迫不及顧咫尺如萬里兩兩叫
空江寒雲天未起

寒蟲

夜寂草根枯萬竅聲已屏兩股抱牀鳴知汝怯霜冷竹屋燈火青唧唧戀葉影寒蟬織
未休停梭心耿耿

癡蠅

烈風如劍鋸青蠅頭欲碎黏壁醉膏腸兀兀復憤憤磨之不肯去殺之有餘穢此處多
冰霜那堪容汝輩

衰草

浦

雅

大山詩集

十四

思園叢書二之二

河畔二三月青青已可憐况復苦寒後慘淡迷荒煙不畏野火燒但惜牛羊眠春風吹
未到寂歷終殘年

飢鴿

鸞鳥有眞骨翻轉入煙霧竹兔與杉雞雄心不屑顧健翮橫刀梭屈鐵老拳怒斗擊鴟
梟羣血肉飛無數

巨蟹

介胃不自衛脂爲人所屠六跪與兩膝慘劍無餘膚支牀二十載牀腐龜未枯嗟哉汝
躁動遂乃蒙其辜

霜鯽

種自南屏來金鱗變烏脊肥美壓礪河小者盈一尺伊魴空自白洛鯉空自赤索價過
牛羊何如買青鯽

六合賀秋帆沈藏有大山所著石樵詩鈔本一帙其子廷楷廷榮舉以付余余姪

山親見刻石樵集於馬氏云時道光辛巳仲冬二十一日 川南

過雪場故居

以下得自徐生 川南

不到己經年蟲絲網虛牖苔生古盎草擁繩牀朽斜風吹破籬殘日掛衰柳我未學
冥情徘徊寺門口

蓼花

秋風吹蓼花搖蕩滿湘浦多少別離情幽默愁如縷依葦蝶翅寒餐穠穠心苦桂棹輕
容與迢迢望南楚

廢園

地寂人蕭疏頻來隨徙倚水聲響夾環可以漱牙齒見眼如定僧苔髮細於綺石路杳
無人秋風墜松子

雅

大山詩集

十五

思園叢書二之二

夜雨
離離增暮愁悄悄抱孤警草根蟲亂鳴秋衾夢魂冷欲樵無斧柯欲汲無瓶綆百感雨
中生余懷空耿耿

寄黎君偉
不得見子面顧子知我心子今涉遠道辛苦爲越吟瘦石有高貌孤松有寒音耳中巴
人曲指下成連琴淳朴久彫喪古意猶在今低眉逐衆嗜呢喃非所飲曹娥江上秋秋

水清而深風吹桂樹望子青山岑
汪荅洲學士於寓齋掘地得怪石四

突兀觀奇狀羅列亭西偏骨膩土花痕孔竅噴蒼煙掘之自地底沉沒千百年一掘見
頭角再掘露頂肩直下幾百尺詫此形鬼然君有奇章癖狂復如米顛數各有冥契誰

得而舍旃一石簪而秀橫絕峨嵋巔一石細且煙蕪驚小於拳一石駭如鬼一石飄欲仙得一已可喜何況有四焉當其淪墜時默默安所宜幸脫宋人網又避秦人鞭出以待知者侍立君子前物忠無怪特何思遺棄捐軀藏願堅通跡無悲憐
哭家西谷侍御

先生弟仲山謂先生辛卯後日課一詩以寫憂此其時歎

我權文字禍不敢歌大招之川南曰大招君亡亦已矣我若生無聊以我枯槁心爲汝病愁焦以我破碎腸腸憑汝尸號魂魂兮若有覺慘感風刁刁

掉臂欲歸去依依常再思始終明主未忍旋山陵朝采靡蕪夜夜乘杆機欲回君子心寧惜手爪賤自憐賦命薄敢道承恩遲君心如海水潮沙有還期臣身如木葉一落是終時

無官恣跌宕子才多端苦心屬騷賦牙頰奔驚濤變趨長嘲訕乾坤催雕剗士伯怒

浦雅甲大山詩集十六思園叢書二之一

上訴吹索成痼癥况自嘔心肺含辛復咀酸一豎抵其隙驅命運摧殘鬼物且多忌憐才人更難長沙賦鵬鳥千古爲哀歎

我本江東產君乃渭北人一紀聚京國情若同胞親兩家有嬌兒盈盈掌中珍齒髮過半百得嗣皆艱辛倦言雙椰子永好爲弟昆君魂遊秦岱輻輳車返西秦我兒呱呱泣君兒淚泣法嬰孩離且痛何況我與君生別且不忍何況死生分

去家三千里一子隨喪奔道路嘯嘯中有歸客魂蕪平青楓林慘慘風雨昏縹緲近鄉邑吠犬宵猶宿小時舊遊處猶有故園痕經堂還入奧歎息聲如聞芝蘭委榛莽現現埋沙塵千秋苦吟魄寂寞青松根

舍弟北來省余即送之南返

罹此憂患境念我骨肉恩大雪蔽原野急難有過奔會面慘無語衣衾堆淚痕萬難施荷木豈若生同根良朋雖永歎豈若弟與昆連牀話深夜慷慨還酸辛

大山詩集

欲歸戀阿兄不歸懷阿母相傳消息說伊威貽白首吉凶臨鴉鵲猜怪到雞狗那堪表老年酸苦心欲嘔子歸勸加餐事勢解八九問我今何如憂愁並無有但有抱子歡歌呼方擊缶

遣眷屬傲舟南歸至靜海阻冰復返

退飛鷗羽艱歷上魚鱗燈我生值坎坷所遇多反覆以茲安命屯焉敢與時遂罹患搖魂歸計遺骨肉判袂孟冬初含悽澗河曲是時風力適陡使寒氣酷大雪埋天根長波凝滯腹繫凍聲冲冲開渠人促促一線渺蟻穿兩崖儼鐵束割割漏如危椿撞破比竹臨淵已恐惶履冰尤殷厥本無行險心實有妄動辱乃知進是災亟以退爲福利涉孰如川行道翻如蜀人生數果奇安問水與陸返棹速回舟欽哉慎所觸
攜手曲

浦雅甲大山詩集十七思園叢書二之一

妾初揚蛾眉卷衣親玉牀翠笑無疵瑕欬唾生芬芳三十六宮女貴帳無輝光階墀素秋月攜手隨君王豈知肩相拍心已含鋒鋦明日詔書下不許辭輩行珠簾上青苔階草萎以黃長門與長信一閉音渺茫九疑峰可陟三門波可航冥冥方寸中險阻安可量

詔瓜吟

詔瓜莫詔蒂蒂苦累瓜甘結交莫結利利盡交二三食魚莫食飽飲泉莫飲食飲欲別白交情須細語

烏夜啼

郎謫戍邊塞一去十載餘手種柳成圍門外樓啼烏我聞烏夜啼明日有敕書良人在軍伍流離天一隅無罪行當歸有罪宜滌除祝烏啼一聲我征旋敝廬自此八九子個個聲相呼啼得阿爺回兒又爲戍徒啼得兒又回烏神當何如

武溪深

武溪深武溪猶未深已辦革妻尸何用嗟溺沉拜牀及戰驚波瀾湧千尋入水不畏陷
所畏惟人心

當時必有陷先生者

孝威

糧艘行

飛糧給神京舳舻承羽檄輸載經大江風波懼沉溺過淮入漕河水淺泥淤積百丈如
遊絲進寸退盈尺將領虎而冠鞭箠恣狼藉霧濕長陰羶耗減憂風颶及乎納官倉悉
索轉繁隨子錢貨無門虧課法難釋妻孥夫析楊黃價震靈靈羽林射獵兒飽肉氣陵
縹緲殺如視沙拋擲不甚惜豈知牽輓人一粒一淚跡

吾浦風苦樞衛之虐而豐沛子弟士飽馬騰此先生之詩所由作也

孝威

陌上桑

陌上桑青露萎提筐行鈎條動素腕流盼秋水盈使君停五馬義重黃金輕丈夫賤

浦

雅

大山詩集

十八

思園叢書二之二

舊愛婦人恥新盟可憐薄倖兒妄謂無堅貞秋胡妻且死何況道路情好合不可苟利
交焉得成

雜詩

中有數首亦似獄成時慨唱之音

孝威

人生膏壤間太倉一稊米元氣無古今方寸與終始問爾速朽驅胡乃靈如此岳墳成
溝壑箕斗絕如蠡心不與浙磨三極良有以未識夢夢人何以浪生死

聖域實坦坦何曾紆陌阡異端鼓邪說詰曲多逆運箋疏諸老儒劬勞至沒齒苦無聊
清功但有戈矛起考亭撥雲霧曠然如發蒙登山予以樛渡水予以舳希聖告以路爾
寧實不聰雖燕知學飛鵠知學語人豈不如禽而乃惜勤苦不以勦聖極坊壻甘糞
土

倚蓋亦何高藐躬長跼踟惟恐作狸狂動輒相觸蟬命細微蟬帖生短促薄劣本

無資得倖亦非福既懲鑄治金復忌含輝璞但以不材終甘爲臃腫木

技事凝於神厥工惟用志所以習者門巧者趨而避鍊丹如死灰寂寞精氣瘳果半

青黃待熟自離蒂浸漬成膏滋力豈矯強致藝成雖至卑妙與道相契

老死鉛槧間神奇成腐臭撒米化丹砂妙悟非口授買不在多錢舞不在長袖五車書

滿家聰慧獨誰透英英方寸靈端倪孰窮究欽之不盈分舒之彌宇宙

離騷世普哀思悽欲斷倦倦宗國危白黑何所判東門路久蕪南土身遠竄好色而

不淫怨詐而不亂國風小雅心沉吟汨羅畔風凰長在笈今古同一貫二十五篇詞語

意絕憤慨何爲懷此都豈獨妹前算喬自帝高陽同姓共愛患至今卷舌人惟恐涉諷

謾瑟縮如寒蟬默默保祿蒙忠愛孰如原懷沙尚依戀視天何夢夢老夫誠灌漑千古

有諫書離騷可深玩

有蛇腹吞象有虬身負熊彼自氣有餘誰與爭英雄赫奕高明家寶馬如飛龍款唾珠

浦

雅

大山詩集

十九

思園叢書二之二

玉落呼吸風雲通逞其勢所及驅鬼鞭神工月望漸欲虧日昃不再中何曾見鼓瑟盈
滿可以終腐鼠誤相嚇鷄雞歸海東

人心生有覺機動神已領羣類格以誠豚魚豈昏冥教養借爲吉僕句妄恣逞烹金

不枯燒玉玉無售顛沛守其真僞則敗俄頃柳季今已亡何物非臆鼎

古有申屠蟠輅轎伏深阻跡跡同傭人結屋依桑樹漸與八俊儔恥列三君數當時綱

紀類抗憤自草莽一掌壘江河於事將何補甘陵及汝南部黨日旁午許政齒有鋒橫

議舌如毒士希標榜名人作通逃主虛聲蹈實禍爛糜肉成土誰曾見威鳳而肯罹網

罟澤雉矜羽毛竟爲災害府所以萬歲亭猶傳折轍處匹夫譏刺雄使我心脾腐

何怪猩猩貪過酒輒落醉蟲莫智於龍人可醺而醺入水不濡浸入火不焦炸神不動

乃全鬼神避其銳嗟哉患害來有欲斯爲祟

廐馬肉皆肥誰誇驥驥出宮中好高髻誰云垂髮巧趙家姊妹新誰說班姬好

人言飲得仙斯事吾何有囊有十千錢却買餘杭酒不敢求長生願醉千日久嗣宗至慎人以酒絨其口士季欲殺之無隙得可否哀哉步兵廚聊作遺逃載

蛇牀似羅燕復云樓似樓葉酷相似種類依然殊人乃愧草木譜牒通稱呼既使異者合遂將親者疏關伯及實沉兄弟相吞屠骨肉尚且忍他人更何如願君爲宗族幸勿攀令狐

勿以鳳爲祥勿以芝爲實安用人事爲乃聽食與草微休及微咎天道誰能了禍福何所分畏肆兆冥渺見其與降神號亡齊以保

芝蘭植蕙壤誰復聞芳馨尹邢倚市門誰復貴娉婷古言不愛惜日與凡響爭雖有成連琴何異琵琶第莫嘗聽者淺當悔彈者輕神實輒妄獻怨歌休不平

贈子青松枝欲耐霜蕭索娟紅槿花朝榮暮還落握手出肺肝恩義豈難托車笠盟未寒谷風詩忽作始本以利交事保終不惡如飴莫愛甘如水莫厭薄水薄味深長飴

浦 雅 大山詩集 二十 思園叢書二之一

甘漸銷鑠

拋金似泥塗不如富購書有書堆數似不如讀盈寸讀書雖可喜何如躬踐履積金不積書守財亦何鄙書多弗能讀買肆浪奢侈能讀弗能行蠶枯成敗紙

蠅屈然後伸應伏然後擊將欲用所長藏用乃無敵氣發了無餘力縱便難激自從句錢來此道今寂寂

得爲常侍郎五百萬已足却歎黃次公亦入錢與穀四十四萬言臣朔誦頗熟索米空一囊燒腸火旋腹慎勿鑄馬蹄懼陷更生獄何物換涼州蒲桃酒盈斛

民生肢與骸百萬細毫孔血氣能充盈心君默垂拱奈何槁肢骸毛髮禿種種但欲腑臟肥形體成枯槁瓶罄可羞枝瘁根亦恐身羸心若何念此憂且悚

霜氣淨萬里鷹眼明秋毫豈可飽食肉願爾搏九霄寒樺臥枯冢下有狐狸噪指揮雉與兔驅駕與狻深夜戴髑髏啼笑成嬌嬌饒來竊社食鷹利沾餘膏既已共羹養還

復藏通逃鈎爪奚所用哀哉鷗與鷗

遲遲霜中菊晚晚將歲輝努力吐蕊蕊馨香良已難榮黃豈不芳楓柏豈不丹彼非爾同心寧足同清寒百卉時欲萎寒蝶哀色殘不植沉湘側英落將誰餐

品品秋空清原莽猶青青奈何風慘慄一夕繁霜零茶齊並萎謝蘭艾同彫傾雖然蕪草枝豈無穢與馨寒蟬嘒嘒衰葉寒默竟無聲

憩息無修願一枝可以巢突突蘇合彈一響驚魂銷竊肉有桑扈惡聲有茅鴟胡不弋取之而乃戕鷗鷗遂令丹穴鳥飛避韶輝毛

日車誰復挽韶華寧再來傷心及遲暮自古以爲哀筋力苦難強神志安可衰不見秋柏實經霜老其材飛蓬質輕薄風卷成枯葉萬物有貞脆煨寒奚與哉

古校獵詞

包戈四海寧彌狩典依古舉火荆山臺張且雲夢浦八駿頓齊鑣僕姑親射虎巨吼裂崩崖飛血灑平楚相如消渴人碎膽栗雙股諫獵徒區區天子自神武將軍在後車獲

臂安足數

觀柳林水田

東南稱澤國寸土皆膏腴誰謂幽冀郊地曠成荒蕪漁陽右北平水有渚易滯九十有九淀七十有二沽引之資灌漑奚啻鄭國渠胡爲廢耿曄但長封與蒲取給海陵倉蠶鮑傾劑吳近畿力窳惰下國人彫枯柳林亦何地中有疇與廬瓦其植稻亦著莖茨租其價畝一金百畝供十夫虞集做浙田斯人今已無流泉日灑灑行野空踟躕

感歎略似橫鞭行而用意更進一層

古怨

昔別從何處依依桃葉渡春風幾度吹我垂楊樹楊柳欲藏鴉君書到妾家妾常恃君意終始決無差分離何草草蕭蕭依然好不是昔時心看花花便老盼得郎歸來歡

喜空顧倒胎留玳瑁管委尚藏爲寶

采蓮曲

郎不刺蓮子惟喜采蓮花香氣凝夜露紅姿豔朝霞結根在汙泥自說無纖瑕請郎無
愛惜畢竟是浮葩

離頭水

鄉山何日歸骨肉恩決絕九折繞羊腸流水聲嗚咽慘斷肝腸悽悽訴離別上下石
峰殘猶有古車轍月照李陵刀風吹蘇武節從此赴龍荒萬里積冰雪回首憶咸陽萬
高影明滅四面驚沫飛征人淚成血

俠客行

手提血鬪體匹馬如流星報恩復報仇誓死不顧生京兆不敢捕殺人無主名悔哉今
折節丈夫身詎輕閒抽一白羽飛去射聊城

浦

雅 大山詩集

二十一

思園叢書二之二

望行人

日出上山望日暮還家遲比目魚共遊鵝鵝翅並棲物各有匹耦將軍豈無妻部下有
征夫十載戍隴西不知死與生聞關信難知果然化爲石雨淚斑斑啼盼得郎歸來石
爛心不糜

折楊柳行

愁聽笛裏怨惆悵在家時新葉想眉嫵柔條儘腰支折却門前樹寄君三兩枝青青好
顏色只恐秋離披春風不到處偏戀玉關西

飛蓬歎

蓬飛向天涯征人遠辭家蓬子墜沙土郎去見正乳六十老息征十六丁已成蓬枯子
又長爺歸兒復行但願蓬根斷不願蓬根生

廢宅

閑閱誰家門上今生秀畫棟聞無人鑄錦官司守鴛瓦堆昔邪甃池梁科斗月黑狐
狸噪風寒變燭走龍女不敵席龍臣不敵軒不知恩反覆自倚雕牆堅據茲荆棘叢當
年歌舞地掘得爛錢銅背鑄蛾眉字垣屋廢不修卓哉鄧侯智赫赫梁將軍今方起西
第

稽記室死難詩

名永福字爾遐無錫人與府主范承謨俱死耿精忠之難

老嫗擅銅鑪海嶠羣華以聖長蛇驕類山怪雲結當其苦異圖欲事忠肘掣不窮封
疆臣焉敢違逆節公佐忠貞死事頗卓絕職視官守殊恩較骨肉別三載甘幽囚一
朝竟首裂嗟嗟大義淹皆云生可竊平時何難容危難辭機墮同事者爲誰同死焉用
說却恨陳孔璋坐視本初滅所以志士心避世寧子子不以身許人一許義便決不見
閩海濱強藩管喋血書記昔顧廟祀今爲烈

浦

雅 大山詩集

二十三

思園叢書二之二

保定張光祿死難詩

明季政無章泄泄收網紀柱折天角傾星墜妖氛起衆殍噉餓殍縱寇突封豕禍發秦
豫郊流毒被江汜上谷西南衝距京畿尺咫鎮鎗或擐挽心腹懼崩圯桓桓諸張公舉
族掉鄉里嚙血揮戈鉅袒臂冒石矢擲火却九攻灌油守百雉力蹙鼓聲衰陴壞陣雲
靡父子惜兄弟毋妻與姑姊二十有三人烈烈併命死回首呼蒼天悠悠此誰使顧談
誤撫綏長賊過豺兇將帥餽兼金貂璫耀連軍生民遂糜爛九鼎輕遷徙烽煙照甘泉
大事已去矣忠憤氣堂堂所據彈丸子外無此蟬援內無長城倚心知天步艱不死不
容已殺魄魂呼號哀哀懷國恥督師爾何人其類能無此

讀左忠毅公文集

古之烈士夫殉節非血氣胸中義理精生死無二致死則爲忠貞生則有經濟當明熹
廟初宮中熾妖禍厲風跳進忠化雞鳴選侍陰氣干太陽厥咎惟婦寺乾清宮不移竟